

IV, IM MOUR ILO IDEN

Kōttōpar ko an katak in:

- Kwaļok bwe Anij, ilo An kajoor im jouj, ear leļok juon lio pāleen Adam.
- Kwaļok bwe ñe juon e jab pokake Anij, ej aikuj in mej.

Meļeļe ko reļap ilo katak in:

- Jen lo bwe Anij e jouj im eṃṃan, im Ej oṃake aikuj ko ad.
- Jen kile bwe eṃṃaan im kōrā jiṃor raar ilo wāween Anij im aorōk Ippān.
- Jen kile bwe mour in pālele ej lōmṃak eo an Anij, im eṃṃan.
- Jen kile bwe kaje eo kōn jab pokake ej mej
- Jen kile bwe mej eo ej kōnono kōn ad mej ilo ānbwin im ad jepel jān Anij.

Eṃōj ad lo bwe Anij ear kōṃanṃan aolep men im reṃṃan. Eļap an kajoor im jouj Anij. Kiiō je kōṃaan katak kōn lio pāleen Adam im kōn aer mour ilo jikin kallib in Iden.

Ilo raan kein, elōñ armej rej ellolo im koba. Jet rej ba bwe rej mallejoñ ṃokta jān aer ṃare. Eṃṃan ke men in? E jiṃwe ke? Ta eo Anij ej ba kōn juon eṃṃaan im juon kōrā pād ippān doon?

1. Anij ear pepe bwe Adam ear aikuj juon pāleen bwe en jipañ e im pād ippān.

* **Anij e utie jān aolep im Ej irooj ioon aolep men.**



Jenesis 2:18 Im Jeova Anij ear ba, “E jab eṃṃan bwe armej eo en make iaan; Inaaj kōṃṃan juon ri jipañ me ekkar ñan e.”

Anij ear pepe bwe Adam en jab make wōt iaan.

- Anij ear kōṃanṃan Adam, im kōn men in, Ear jeļā ta eo eṃṃantata ñan e.
- Anij ear jab kajjitōk ippān Adam ta eo ear kōṃaan ak ta lōmṃak eo an.
- Anij ear pepe in kōṃṃan juon lio pāleen Adam.

* **Anij yokwe.**


Anij ear yokwe Adam, im Ear kōṃaan bwe en ejjeļok an aikuj. Anij ear jeļā bwe Adam e ban kanooj ṃōṃōṃō eļaññe ej make wōt iaan. Kōn an Anij kōṃaan bwe en eṃṃan mour eo an Adam, Ear pepe in kōṃṃan lio pāleen.

Anij e jeļā aolep aikuj ko ad, im E jeļā kaki ṃokta jān ad jeļā kaki! Ear jab kōṃanṃan pāleen Adam ilo iien An kōṃanṃan Adam ak ilo wāween An kar kōṃanṃan Adam. Ear kōṃanṃan lio ilo iien im wāween e jejjet tata.

2. Anij ear āñintok aolep menninmour ko ñan Adam bwe en leļok etaer.



Jenesis 2:19,20 Im Jeova Anij ear ̄a wāween jān bwidej in āne, kidu otemjej in āne, im bao otemjej in mejatoto, im Ear āñintok er ̄an leo bwe En jeļā āt ̄ot eo enaaj likūt etaer; im āt eo jabdewōt leo ear ̄a etan menninmour otemjej, eņeo etan. Im leo ear ̄a etan kidu ko rawiie otemjej, im bao in mejatoto, im kidu awiia otemjej; a kōn Adam ejjeļok rajitan.



Anij ear likūt Adam ioon menninmour otemjej, im Ear leļok ̄an Adam jeral in liļok āt ko ̄an menninmour ko.

3. Ear jab wor juon rajitan Adam me ekkar ̄an e.

Eļap an armej oktak jān menninmour ko.

- Emōj kōmanman armej ilo wāween wōt Anij bwe en jeļā, yokwe, im pokake Anij.
- Menninmour ko re jab maroñ jeļā, yokwe, im pokake Anij ainwōt armej re maroñ.
- E oktak men ko menninmour ko rej itok limoeir kaki jān men ko armej e itok limoeir kaki.
- Menninmour ko re jab maroñ kōmanman elōñ iaan men ko me armej re maroñ kōmani.

Adam ear aikuj juon eo ear maroñ bwebwenato ippān im eo ear maroñ kōmanman men ko ear maroñ kōmani. Ejjeļok menninmour enaaj ekkar ̄an e.

Adam ear jab maroñ make oņake aikuj in. Ear jab maroñ make kōmanman juon lio pāleen. Enjeļ ro, Setan, im timoņ ro raar jab maroñ kōmanman juon lio pāleen Adam. Anij wōt ear maroñ in kōmanman. Anij ear yokwe Adam, im Ear jab kōnaan bwe en make wōt iaan.

4. Anij ear kōmanman Iv jān juon di ilo katin Adam.

* *Anij e kajoor jān aolep.*



Jenesis 2:21,22 Im Jeova Anij ear kōmanman bwe leo en kiki im ettoñ, im ear kiki; im Ear bōk juon di jān katin, im pinej ijo kōn kanniōk. Im di eo Jeova Anij ear bōk jān leo, Ear kōmanman kōrā jān e, im āñintok e ̄an ippān leo.

Anij ear kōmanman kōrā eo mohtakta ilo laļ in, im Ear āñinļok e ̄an ippān Adam. Anij ear jab kōmanman kōrā jān buñal in āne, ainwōt Adam. Anij ear kōmanman jān diin Adam. Ear ainwōt juon men in leļok ̄an Adam.

Ñe juon eo ej yokwe eok ej lewōj juon men in lewōj e aorōk, kwōj kōjparoki im kaorōke. Im āindein pepe im karōk eo an Anij bwe juon emman en kōjparok im kaorōk lio pāleen.



Ilo kar tōr eo, e jañin wor jerōwiwi ilo armej. E alikkar bwe ear laļ an Adam mōhōhō ke ear lo Iv im pād ippān. Kiiō ear wor juon me ear maroñ in kōmmao ippān im juon eo ej ainwōt e ilo elōñ wāween. Emōj an Anij oņake aikuj eo an. Kab, e alikkar bwe Iv ear kanooj deņ.



Jenesis 2:23,24 Im leo ear ba, “E in kiiō dien diō, im kanniōken kanniōkiō; inaaļ likūt

etan Kōrā, bwe emōj bōk e jān Em̄maan.” Kōn men in leo enaaj likūt jemān im jinen, im eddāp na ippān lio pāleen; im erro naaj juon wōt kanniōk.

Anij ear pepe bwe armej ren mare: juon em̄maan ippān juon kōrā. Ren yokwe doon im kamōḥōḥōik doon. Ren likūt jemaer im jinier im ren juon baamle. Ren karijer nian Anij ippān doon, im ren jipaḥ doon. Mare e jab lōmḥak an armej; ej lōmḥak eo an Anij. Anij ear kōḥaan bwe ren jermal ilo jikin kallib eo, bwe ren irooj ioon men ko ioon laḥ in, bwe en wor nejeir, im bwe ren mōñā jān mennin eddek ko.

Adam im Iv raar keelwaan, ak raar jab jook. Emōj an Anij oḥake aolep aikuḥ ko aer, im ear ejjelōk nana ak jorrān.

5. Anij ear kwaḥok ta eo enaaj waḥok eḥāññe raar jab pokake.

Emōj ad katak kōn kien eo me Anij ear leḥok nian Adam. Kien in ej katakin kōj bwe Anij e kwōjarjar. Wāween aḥ lōmḥak kōn kadkadin Anij enaaj jelōt wāween aḥ tōmak ikijjien lōmōḥ. Unin bwe elōñ armej rej lōmḥak bwe re maroñ jibadek aelōñ an Anij kōn aer make tiljek ej kōnke re jab jelā kōn kadkadin Anij.

*** Anij ej kōnono ippān armej.**

Anij ear likūt bwe Adam en make pepe kōn ta eo en kōmḥane im jab kōmḥane ke? Jaab. Anij ear jiroñ e kōn ta eo en kōmḥane im jab kōmḥane. Ejjelōk oktak rainin. Ear letok Baibōl bwe jen jelā ta emḥan im ta e nana.

Mokta jān iien in Adam ear jelā wōt kōn men ko reḥman. Anij ear liḥok elōñ men ko reḥman nian Adam. Bōtab Adam ear jab jelā kōn nana. Ke Anij ear kōḥanḥan Adam, kar ejjelōk an jerōwiwi im ear ejjelōk an jelā kōn jerōwiwi. Ke Anij ear kōḥanḥan Adam, ear weepān.


*** Anij e kwōjarjar im wānōk**

Anij ear likūt bwijen wōjke ilo Iden, ak ear wor juon wōt wōjke me ear ba ren jab mōñā jān e. Ewi wōjke eo? Wōjke in jelā emḥan im nana.



Jenesis 2:17 A kōn wōjke in jelā emḥan im nana, kwōn jab mōñā jān e; bwe ilo raan eo kwōj mōñā jān e kwō naaj mej otem mej.

Anij ear leḥok nian e juon kien; juon naan in mālejjoñ. Kien in ej ba, A kōn wōjke in jelā emḥan im nana, kwōn jab mōñā jān e. Emōj an Jetan jerōwiwi kadede. Anij e jelā bwe Jetan enaaj itok ilo wāween jedpānit im kapo. Anij ear yokwe Adam im ear kōḥaan kōjparok e jān jorrān. Ear bar āinwōt kōḥaan mālejjoñ e im lale eḥāññe enaaj kar pokake e ke jab. E lukkuun alikkar an Anij kōnono nian Adam: Ilo raan eo kwōj mōñā jān e kwōnaaj mej otem mej.



Kajjitōk- Men in ej kwaḥok ta kōn Anij? Bwe Anij e kwōjarjar im wānōk. Anij wōt e jelā ta eo emḥan im ta eo e nana. Barāinwōt ej katakin kōj bwe Anij e dike jerōwiwi. Ej kwaḥok joñan an Anij dike jerōwiwi.

E nana ke bwe Anij ear ba ñan Adam im Iv bwe re jab maroñ mōñā jān wōjke eo? Jaab, bwe an Anij pepe, kab, ear wor bwijen wōjke me raar maroñ mōñā jāni. Ejjelok aer aikuj.

Kajjitok- Etke Anij ear jiroñ Adam im Iv kōn wōjke in jeļā emman im nana? Kōnke armej re jab maroñ in pepe kōn ta eo emman im ta eo e nana. Rej aikuj in lōke wōt Anij.

Ta meļe in naan in mej ke Anij ear ba renaaj mej otem mej?

(1) Mej ej ñe jej jepel jān Anij.

Ta eo ear waļok ñan Satan kōn an jerowiwī? Anij ear joļok e jān lañ im kaliaki ñan jikin eñtaan ñan indeeo. Jetan ear mokta rū kaļoran Anij. Ear aorok ippān Anij, ak kōn an jab pokake E, ear jepel jān E. Ear jako jān imaan mejan Anij.



Matu 25:41 ...komwin ilok jān Eō, kom ri nana, ñan ilowaan kijeek e jāmin kuun indeeo, eo ear pojak ñan tepil eo im enjel ro an.

Ke tepil eo ear wōtlok, elōñ bar enjel raar wōtlok ippān. Raar rū kaļoran Anij barāinwōt. Kōn aer jumae Anij raar jepel jān E.

E lukkuun alikkar kakkol eo an Anij ñan Adam. Eļañne Adam e jab pokake Anij, enaaj jepel jān E. E ban jeran Anij. Enaaj ri kōjdat Anij āinwōt Satan.

Kōn ad jerowiwī, jej āinwōt ri mej.



Epesōs 2:1 Ear kemour kom ke kom ar mej ilo ami nana im ami jerowiwī.



Epesōs 2:5 Aaet, ke jaar mej ilo jerowiwī ko ad, Ear kemour kōj ippān Kūraij (kōn jouj emōj lomōoren kom).

Eļañne kwaar jañin lōke Jisōs Kraist, innām kwe juon ri mej. Kwō jepel jān Anij. Meļe eo moktata in naan in mej ej bwe je naaj jepel jān Anij. E jako ad jemjera ippān Anij, bwe jaar pepe in jab pokake E.

* Armej rej aikuj Anij.

Men in ej kwaļok ta kōn Anij? Mour ej waļok jān Anij. Ejjelok men enaaj mour ñe e jepel jān Anij.

(2) Mej ej ñe jej jepel jān ānbwinnōd.

Jej aolep ri jerowiwī, kōn men in jenaaj mej. Aolep wōjke, menninmour, im armej re naaj mej. E jab meļe in bwe Adam ear mej ilo ejja raan eo im ear jerowiwī. Anij ej kemour aolep men. Ke Adam ear mej ear jepel jān Ri Kemour eo.



Ta eo ej waļok ñe kwōj jeke raan juon ut ak wōjke? Ej mej ke ilo ejja iien eo im kwōj jeke? E jab. Meñe ra eo e jepel jān ut eo ak wōjke eo, ewor mour ippān. Ñe kwōj bar katake im wōtdikdike, enaaj eddeklōk im mour wōt. Bōtab, eļañne kwōj likūte ra eo, ālikin jet raan enaaj aemedļok im mej.



Jerbal 17:28 Bwe ilo E jej mour, im etetal, im pād...

Jej bōk mour jān Anij. Ñe je jepel jān Anij innām jenaaj etal im mej. Ñe juon armej ej mej, an ej ilōk jān ānbwinnen. Aṃ, ak jetōb eo aṃ, ej ṃōttan ānbwinnōṃ ṃe kwō jab loe. Ñe kwōnaaj mej, ānbwinnōṃ enaaj pād wōt ilo bwidej im kōt. Aṃ enaaj jepel jān ānbwinnōṃ.



Jon 19:30 Innām ke eṃōj an Jisōs bōk peenko eo, E ba, “Eṃōj!” im Ej jilōk im kōtloṃ An.

Roñjake naan ko an Stephen ke raar ṃan e.



Jerbal 7:59 Im rej kade Stephen, ke ej jar, im ba, “O Irooj Jisōs, kwōn bōk aō.”

Ñe kwō mej ej meṣeṣe in bwe jetōb eo aṃ ej jepel jān ānbwinnōṃ.

(3) Jenaaj jepel jān Anij ñan indeeo ilo loṃaḷo in kijeek.

Eḷaññe Adam e jab pokake Anij enaaj eñtaan ñan indeeo. Enaaj etal ñan ejja jikin eo im Jetan enaaj etal ñan ie. Jolōt eo an Jetan ej loṃaḷo in kijeek. Eḷaññe jej jab pokake Anij, ilo bar juon wāween ba: eḷaññe jej loore Jetan, je naaj bōk jolōt eo an.



Revelsōn 20:10 Im tepiḷ eo ear ṃoni er ar joḷok e ṇa ilo loṃaḷo inn kijeek im brimston, ijo bar āinwōt kidu eo, im ri kanaan riab rej pād ie; im naaj ka eñtaan er raan im boñ indeeo im indeeo.

Kiiō lale 15 eoon:



Im eḷaññe ar lo jabdewōt im kar jab jeje etan ilo book in mour, ar joḷok e ṇa ilo loṃaḷo in kijeek.



Ñan kajemḷok katak in rainin, jen lōmṃak kōn kajjitōk in, Etke Anij e maroñ ekajet kōj?

6. Anij Ej pād ioon men otemjej

Anij ear kōṃanṃan Adam. Ear kemour Adam. Kōn men in Adam ej An. Ñe juon armej ej kōṃanṃan juon men, ej an. Ejjeḷok bar juon e maroñ kōṃṃan an pepe kōn men eo.

Ekkar bwe Anij en jiroñ Adam kōn wōjke eo, kōnke Adam ej An.



Jeremaia 10:23 I jeḷā, Jeova, bwe iaḷ eo an juon armej e jab ilo e make; e jab an juon armej eo ej etetal bwe en jiniet buñtōn neen.

Unleplep eo bwe jen pokake naan ko an Anij ej kōnke e Anij im kōj men in kōṃanṃan ko an peen. Un eo kein ka ruo, ej kōnke Anij e jeḷā ta eo ej eṃṃan tata ñan kōj. Anij ear yokwe Adam. Anij ear kōṃaan bwe en po lōmen im ṃōṃōṃō mour eo an ilo laḷ in. Anij ej barāinwōt jeḷā men otemjej. Ej māḷōtlōt jān armej otemjej. E jeḷā ta eo enaaj kōkkure armej im ta eo enaaj jipañ armej. Ñe ej jiroñ kōj bwe jen jab

kōmman e juon men, e jeļā bwe men eo enaaj kōkkure kōj.

* **Anij e jeļā men otemjej.**

* **Anij yokwe.**

Unin an Anij ba “Kwōn jab lōñ” ej kōnke E jeļā bwe lōñ enaaj kōkkure kōj im koor lōk elōñ kain jerōwiwi im nañinmej.



Sam 19:9,10 Mijak Jeova e kwōjarjar, im ej pād ñan indeeo: ekajet ko an Jeova re mool wōt, im er otemjej re jimwe otem jimwe. Re men in iokwe emman jān gold, im jān elōñ gold e kanooj aorōk; im re tōñal jān honey im piliñliñ rej wōtlōk jān nien honey.

Ñe jej kōkkure kien aelōñ kein, e nana. Ak eļap an nana ñe jej kōkkure kien ko an Anij. Ak kwōn ba ta? Eļap ad kōkkure kien Anij kajjojo raan jān ad kōkkure kien Majōl. Ñe kwōj kōkkure kien Anij innām kwōj jerōwiwi, im oņean jerōwiwi ej mej. Mej ej ñe jej jepel jān Anij ilo mour in, ñe jej jepel jān ānbwinnid, im ñe je naaj jepel jān Anij ñan indeeo ilo loṃaļo in kijeek.

Kajjitōk ko

1. Wōn ear pepe bwe Adam ear aikuj juon pāleen?
2. Anij ear kajjitōk ippān Adam mōkta eļañņe ear kōņaan juon pāleen? Emman ke men in?
3. Ewi wāween an Anij kar kōmanman Iv?
4. Jete kien Anij ear leļok ñan Adam im Iv?
5. Ta eo enaaj waļok ñan Adam im Iv eļañņe renaaj mōñā jān wōjke in jeļā emman im nana?
6. Meļeļein ta ke Anij ear ba renaaj mej otem mej eļañņe re jab pokake?